


幸魯盛典

卷十九 卷二十



幸魯盛典卷十九

康熙二十五年丙寅四月

命以宋儒周惇頤後爲世襲五經博士

左僉都御史姚締虞

題爲

聖心重道方殷先賢表彰未盡亟請

勅議褒恤以昭

盛治之曠典事

臣惟我

皇上德盛化神治隆道備崇重

先師之典禮錄恤周公之子孫



恩綸屢沛炳若日星猗歟盛哉真千載一時矣乃有以一人而當理學絕續之關躬繼往開來之任上接孔孟下啓程朱厥功甚鉅而表揚未及若不及今陳請徒令世遠人湮臣請得爲

皇上陳之臣按道學之傳孔孟而後荀楊之徒不精不詳洎乎五季昏昧已極宋儒道州周惇頤出直接孟氏之傳太極圖說闡河洛之精微易理通書闢天人之秘蘊潛修默契闡極而章洛人程珦遣二子顥頤受學焉皆能唱鳴道學以大發有宋一代之盛故朱熹之序惇頤曰世所謂二程先生者其

原蓋自先生發之也可謂不忘所自矣臣又按宋嘉定十三年諡惇頤爲元公其辭曰先生博學力行會道有元脈絡貫通上接乎洙泗條理精密下逮乎河洛以元錫名庶幾百世之下知孟氏之後明聖者必自濂溪始淳祐元年追封汝南伯元延祐六年加封道國公明正統元年葺理惇頤祠墓優免子孫差役景泰六年查道州周惇頤嫡長子孫一人周冕授翰林院五經博士世襲撥給墓田至明季而遂失其傳矣竊念先有惇頤然後有程朱今二氏世襲勿替而惇頤子孫淪落祠地荒圯

揆之典章不無掛漏幸逢我

皇上崇儒重道理學修明臣請

勅廷臣集議詳考惇頤當理學絕續之際啓程朱道脈之傳卽行楚撫查其子孫果否曾世授五經博士特賜洪恩酌加恤錄不惟慰先儒於地下亦可以勵百世之人心矣奉

旨九卿詹事科道會議具奏

禮部等衙門

題前事臣等議得查順治十二年禮部

題明將朱文公十五代嫡孫朱邦相之子煌承襲博

士又查康熙九年據河撫郎廷相

題請禮部

題覆將程顥程頤之後裔程宗昌程延祀准襲五經博士各在案周惇頤上接孔孟下啓程朱其後裔亦應照程朱之例准給博士之職以彰

皇上闡明理學之盛典俟

命下之日行文該撫詳查周惇頤嫡派并取各結及周氏之宗譜一併移送到日由禮部查明將應授之人具

題准授世襲五經博士可也奉

附錄○周惇頤字茂叔號濂溪道州人輔成之子累官至廣東轉運判官提點刑獄以洗冤澤物爲已務尋因疾求知南康軍爲學不由師傅默契道體所著有通書太極圖說嘉定十三年賜諡曰元公淳祐元年封汝南伯從祀孔子廟庭

臣按宋儒黃幹曰道之正統待人而後傳自周以來任傳道之責者不過數人而能使斯道之較著者一二人止耳由孔子而後曾子子思繼其微至孟子而始著由孟子而後周程張子繼其絕至朱

子而始著則濂溪處絕續之交能肩荷斯道開闢肇端以待來者誠理學之功臣宋儒之領袖也我皇上聰明時憲道積於躬

秉一中而允執

集千聖之大成亦既參天兩地窮神知化矣在昔先師鈞河摘洛以啓苞符之秘而惇頤太極通書闡揚突奧復乃曲暢旁通

皇上萬幾之暇緝熙直心統貫於三古四聖之微言而博採於有宋諸儒之緒論伏見往者嘗

親書太極圖說以賜廷臣蓋惇頤之書久矣有當於

聖心夫是以加恩後人而錫之世爵也越一年而張載之後亦授官自是濂洛關閩之子孫皆食其舊德而其源流倫敘釐然秩然矣

康熙二十六年丁卯五月

命以宋儒張載後爲世襲五經博士

戶科給事中汪晉徵

題爲

聖心重道日隆先賢表彰有待仰祈

勅議褒錄以全一代之鴻規以重百世之大典事切臣

於本月二十二日隨九卿齊集內閣仰瞻我

皇上御撰

至聖先師孔子廟碑

親灑宸翰臣口誦心維其文則日星雲漢其詞則訓誥

典謨其書則銀鈎鐵畫玉粹珠圓洵足籠罩古今

蘊含造化以孔子而得此至文實聖道之大幸臣

等生際唐虞之世得觀光華復旦之章尤臣等之

大幸也總由我

皇上天縱聖明於堯舜孔孟之傳實有心得故尊崇之

典有加無已切思自孔孟以後道學之緒至宋周

程張朱而始著此四姓五人者名號竝懸於天壤

之間學問皆徹乎性天之始以故祀典均昭藝林咸頌乃程朱二氏固已久置世襲博士卽周惇頤復蒙我

皇上允憲臣姚締虞之請錄其子孫亦爲博士是四姓五人同功一體而四人者俱承雨露世襲勿替獨張載一人子孫淪落褒恤未加按張載係陝西鳳翔府郿縣人學者稱爲橫渠先生其所著正蒙西銘諸書闡往聖之精微爲後學之津筏程顥曰西銘之言極純無雜秦漢以來學者所未到其推重如此且見我

皇上頒賜先賢書院學達性天匾額周程張朱邵五人均屬一例則知

聖心藻鑑原無二視伏乞

勅廷臣集議卽行秦撫查其子孫

特賜洪恩使得與周程朱三氏一體恤錄則萬年理學之所尊崇卽萬世人心之所振起矣奉

旨九卿詹事科道會議具奏

禮部等衙門

題前事該臣等會議得戶科掌印給事中汪晉徵疏稱

皇上天縱聖明於堯舜孔孟之傳實有心得故尊崇之
典有加無已自孔孟以後道學之統至宋周程張
朱而始著此五人者名號竝懸於天壤之間學問
皆接乎性天之始以故祀典均昭乃程朱二氏固
已久置世襲博士其周惇頤子孫亦爲博士獨張
載一人子孫淪落褒恤未加其所著正蒙西銘闡
往聖之精微爲後學之津筏

皇上頒賜先賢書院學達性天匾額周程朱張邵五人
均屬一例其子孫與周程朱三氏一體恤錄等語
查順治十二年八月內據江南布政使司呈請朱

熹子孫朱煌承襲博士等因禮部具題授爲世襲
五經博士康熙九年五月內禮部題覆臺臣條奏
程顥程頤子孫程宗昌程延祀授爲世襲五經博
士康熙二十四年四月內九卿詹事科道會議都
察院左僉都御史姚締虞條奏周惇頤後周嘉耀
擢爲世襲五經博士俱在案張載關中大儒與濂
洛竝重相應將張載子孫亦照周程例授爲博士
俟

命下之日行文該撫詳查張載嫡派并取各結及張氏
宗譜移覆到日由禮部查明應授之人具

幸會盛典 卷十九
題准給世襲五經博士可也奉

旨依議

附錄○張載字子厚長安人舉進士爲祁州司法
歷渭州僉判召爲崇文殿校書同知太常禮院爲
人志氣不羣初喜談兵及釋老書反而求之六經
旣見二程子盡棄異學而學焉神宗立詔問治道
以漸復三代爲對與執政不合告歸危坐一室潛
心精思教人以禮關西之士翕然宗之所著有東
銘西銘正蒙擴聖賢所未發嘉定十三年賜諡曰
明公淳祐初封郿伯從祀孔子廟庭

臣按宋代理學啓於濂溪盛於二程而橫渠起於
關中羽翼而倡和之游酢至稱其學成德盛比諸
孟子非阿所好也觀其言曰爲天地立心爲生民
立極爲前賢繼絕學爲萬世開太平此其任道之
勇救民之切與孟子亦何以異耶周程朱氏皆得
世職以奉烝嘗而張氏缺焉莫問幸遇我

皇上崇禮

至聖推及於聖賢先儒而橫渠之後始得與諸儒裔
一體邀千古未舉之典待

聖明而乃備焉此則振起文教之大用匪但儒門生色

而已也

康熙二十九年庚午二月

命宋儒朱熹閩派嫡孫朱滌復襲翰林院五經博士

福建巡撫張仲舉

題爲懇賜轉請

題襲以沐

聖恩以昭盛典事該臣竊見宋儒朱熹述聖學之淵源
綜諸儒之精奧傳註同符於刪定正誠昭示於來
茲其有裨於世道人心者甚鉅是以歷來祀典備
極敦崇爰錄後裔俾之廕襲蓋功旣獨隆報宜世

享乃考其裔派熹祖籍係江南徽州府之婺源自
父松歷官閩土遂家於閩熹以理學振起實在閩
中長子塾之後世居閩之建安次子塾之後于元
至元中詔回婺源祖籍故有閩徽二派之分查閩
派熹之九世孫名挺者明景泰六年詔爲五經博
士世襲主祀其徽派至熹十一世孫名墅者明嘉
靖二年亦以五經博士主婺源祖祀此熹裔原有
廕襲博士二員而閩派之錄廕居先七傳至之僞
廕襲則明天啓間事也迨至
本朝定鼎閩派未邀

恩命續有朱濬呈稱係熹十八世嫡孫伊父金鉉早亡
伊祖之僞曾於順治九年具呈建安縣由府轉送
請給文赴部年老病殂維時濬尚幼稚遂致稽延
今籲請襲等情并稱徽郡子孫業蒙蔭襲之語緣
司府縣疊加駁覆始爲轉詳臣行司確覆始則據
族鄰紳士之僉結再考誌乘記載之世系復移咨
江南查徽派蔭襲原委今查福建通誌四十二卷
自槌至之僞于順治九年呈請給文赴京有府存
印冊可據再准江省咨覆徽派今襲職朱坤呈明
閩派之原襲蔭可據與誌載圖結及司詳情節相

符是朱濬實爲閩派應襲之人而前此之稽遲似
有由也伏惟我

皇上神聖首出重道崇儒邇歲以來

駕幸闕里

頒額學宮旁及崇祀書院悉蒙

宸翰表彰而元聖周公暨宋儒周惇頤諸後裔并邀世
職之錄此皆前代所未行而

皇上行之右文之盛超軼百王真千載一時也臣思

皇上旣行前代所未行臣何敢以已行中缺之典因其
稽久混不上

聞况徽派業蒙廕襲而閩地紫陽書院亦荷
欽頒匾額是熹裔之有閩派久在

皇上睿鑒之中必不令其主祀子孫獨遺
恩澤之外伏乞

勅查舊典熹裔原有博士之例仰邀

俞允俾朱滌得叨承襲不獨熹之祀典增輝而益昭

聖世崇儒之盛矣除圖結送部外臣謹會同閩浙督臣

興永朝合詞具

題伏乞

勅部議覆施行康熙二十九年正月二十四日奉

旨該部議奏欽此欽遵該臣等議得宋儒朱熹祖籍徽
州之婺源以父松官于閩遂居閩之建安熹長子
塾之後世居建安守熹之墓次子塾之後還居婺
源守熹祖墓故熹之裔有閩徽二派明實錄開載
景泰六年以塾之後樾爲五經博士主建安祀嘉
靖二年照建安例以塾之後塾爲五經博士主婺
源祀原有博士二員我

朝順治十二年部覆准朱煌襲五經博士于婺源縣奉
祀在案今據福建巡撫張仲舉會同總督興永朝
題稱有建安原襲博士朱之雋于順治九年曾起

文赴部因病旋卒而其子金鉉又經早亡時其孫
濬尚在幼稚致稽請襲至康熙十九年濬始具呈
申請疊經移查駁覆誌乘宗圖悉相符合朱濬實
係閩派應襲之人等語仰惟

皇上崇獎先儒廣勵正學以朱熹有功經傳特于徽閩
二處各賜

御書匾額褒崇之典踰於往代熹十八世嫡孫濬既經
該督撫查明具題應准承襲五經博士以奉建安
祀事恭候

命下

臣

部轉行吏部察例給劄可也

臣

等未敢擅便謹

題請

旨康熙二十九年二月初七日題本月十一日奉
旨依議

附錄○朱熹字元晦一字仲晦徽州婺源人少依
父友劉子羽寓建之崇安徙建陽歿卽葬焉登第
五十年仕於外僅九考立朝僅四十日官至煥章
閣侍制奉祠謚日文追封徽國公初父松病亟屬
熹於胡憲劉勉之及子羽熹皆從之游延平李侗
嘗學於羅從素熹罷同安主簿歸不遠數百里徒
步往從之其爲學大抵主敬以立其本窮理以致

其知反躬以踐其實而敬又貫乎三者之間所以成始而成終也嘗謂聖賢道統之傳散在方策聖經之旨不明而道統之傳始晦於是竭其精力以研窮聖賢之經訓所著有易本義啓蒙著卦考誤詩集傳大學中庸章句或問論語孟子集註太極圖通書西銘解楚辭集註辨證韓文考異所編次有論孟集議孟子指要中庸輯畧孝經小學書通鑑綱目宋名臣言行錄家禮近思錄河南程氏遺書伊洛淵源錄又有儀禮經傳通解未脫藁亦在學官平生爲文一百卷生徒問答八十卷別錄十

卷淳祐元年理宗視學手詔以張周二程及熹從祀孔子廟黃幹曰道之正統待人而後傳自周以來任傳道之責者不過數人而能使斯道章章較著者一二人而止耳由孔子而後曾子子思繼其微至孟子而始著由孟子而後周程張子繼其絕至熹而始著識者以爲知言

臣按朱熹集宋代諸儒之大成上繼孔孟不傳之道統其所撰集皆足以羽翼聖經闡明正學有大醇而無小疵魏了翁稱其功不在孟子下信矣自宋理宗時卽已追封從祀而遺墓在閩其長子塾

三會盛典 卷十九
之裔世守焉明景泰時得博士世職在徽派博士
之先承襲至之儁而明祚忽諸迨八閩道通之儁
將請

朝命未行而卒嫡子早世孤孫方乳遂以奉祠生主鬯
書院且四十年赴訴大吏莫爲陳請幸遇吾

皇上親祭

闕里推恩先儒

頒賜

御書學達性天匾于紫陽書院儒裔朱滌始備陳顛末
撫臣再四查覈據以請

命此皆仰沐

皇上崇儒右文之德化始能觀感奮興舉此曠典而先
儒子孫復得叨

命服之榮以奉其祠墓九曲巖壑增榮益觀直與尼防
鄒嶧同沐

恩光遙相輝映猗歟盛哉

康熙三十九年庚辰五月

命先賢閔子裔閔衍籀端木子裔端木謙俱世襲翰林
院五經博士

先賢閔損六十四世奉祀嫡孫閔煌謹

奏爲援例陳情乞

賜襲封以光祀典以廣

皇仁事竊見崇儒固昭於歷代尊聖莫隆於我

朝孔顏曾孟以及先賢仲子先儒朱子後裔久膺世襲

爵秩我

朝復錄先儒程子後裔

聖駕至魯錄元聖周公後裔近又錄先儒周子張子後

裔真所謂不朽之盛事而萬古爲昭者也俯念

祖閔損緣係魯人爲聖門高弟德竝顏淵有以紹

千古之心學孝嫺曾子足以扶萬世之名教且其

辭費留介介之節侍側傳聞閭之容載在魯論班
班可考是以稱爲大賢從祀聖殿居十哲之首壇
爲諸賢之領袖歷代皆有公衮之褒

聖朝尤重釋奠之典臣忝係嫡裔世居東魯承掌宗譜

歲赴歷城廟墓躬承祭祀奈貧窶難堪孝思莫展

因思聖廟四配以及先賢仲子竝先儒後裔皆受

翰博之職長爲俎豆之光而臣祖德冠聖門位首

羣賢尚以布衣承祀几筵無色此所爲日望

九重而冀

恩榮之下逮也前二十三年冬

駕幸聖林臣同十哲諸賢後裔跪進表章又於二十八
年春

聖駕南巡臣復爲瀆奏皆未得蒙

御覽今幸

天顏再覩千載奇逢臣不揣愚賤匍匐陳情伏惟

聖上德冠古今孝治天下懇乞

天恩軫念先賢功德

特賜世廕以承俎豆臣敬

君孝祖之忱於焉得盡

皇上崇儒重道之典於茲益彰矣臣草茅下賤不諳

朝儀冒瀆

天顏悚懼待罪伏乞

鑒宥施行爲此具本竝家譜恭進上奏請

旨

先經禮部

題爲乞彰功德

俯賜襲封以光祀典以廣

皇仁事據先賢端木子嫡裔奉祀生員端木謙奏前事

奉

旨交與吏部欽此該臣等議得據先賢端木子嫡裔奉

祀生員端木謙奏稱伏見歷代崇儒之盛我

朝重道之隆每於先聖先賢後裔

賜予恩禮有加無已臣祖端木賜負資穎異功德特著

不惟不等乎孟仲而且不及乎程朱伏乞

特賜爵秩照仲氏子孫程朱後裔一體承襲博士以奉

祭祀等語又據先賢端木賜裔孫奉祀生員端木

植

奏稱臣祖端木賜字子貢聰明特達不亞曾仲羽翼

道德遠過程朱子孫未沾一命之榮伏乞

皇上俯念先賢功德

勅部照依仲由程朱之例亦

賜恩廕以奉烝嘗以光俎豆等語查康熙十三年五月

內衍聖公孔毓圻

奏請子張子嫡裔顓孫好賢援仲氏例請襲五經博

士一疏臣部議覆內開聖門弟子內歷代俱定有

等第授為博士其奏請顓孫好賢授為博士之處

應無庸議等因在案查歷代聖門弟子內閔損冉

雍卜商冉耕宰子冉求言偃顓孫師俱與端木賜

在十哲之列伊等之後亦未曾授為博士之處此

端木謙端木植奏請照仲子裔孫例承襲博士之

三會盛典 卷十九
處應無庸議可也奉

旨依議至是先賢端木賜七十代嫡孫奉祀生員臣端

木謙謹

奏爲援例陳情乞

賜襲封以崇先賢以廣

皇仁事竊惟道統之傳自孔子而下先賢有四配十哲以傳其統先儒有周程張朱以闡其緒此誠有功於天下後世者也歷代莫不尊崇孔顏曾孟之子孫或封於唐或封於宋或封於元明皆賜以世爵主奉烝嘗可謂隆矣然數十朝而霑恩者止有四

氏若仲由朱熹之後裔則襲封於我

朝定鼎之初程顥程頤之子孫則承廕於

皇上御極之始且

駕幸闕里於

至聖孔子則祭以太牢

賜以金帛

御書萬世師表以尊之於元聖周公則封其主祀之人

大其棲神之所撥給祀田戶人以崇之繼此而邀

恩者則又有周惇頤之苗裔張橫渠之後嗣兼有陪祀

恩貢

錫予恩禮有加無已是崇儒重道誠爲前代之所未
有而後世之所莫加者也臣係先賢端木賜嫡孫
前

駕幸孔林臣在廬墓堂叩接

聖駕得覲

天顏仰承

顧問復蒙

洪恩准臣奏章誠千古之罕覲人世之奇逢也臣草茅

下士當此隆遇雖捐糜頂踵猶不能仰報

高厚于萬一何敢復瀆

天聽但念臣祖在聖門道傳一貫學聞性天承前聖之
統緒開後世之心學至于表章聖治有立道綏動
數語可謂傳聖人之心法兼得聖人之治法矣在
十哲中而諸賢未能或之先也卽後世周程張朱
或亦莫之及也况三年廬墓實聖門之孝子說楚
兵迎解陳蔡之重圍其於聖人功匪小矣而後裔
未獲邀一命之榮是前旣不能比於四配後復不
克同於五儒卽十哲之中更不得竝于子路此千
百年未舉之曠典正留以待

今日者也恭遇我

皇上修明典禮表章先哲實臣之幸也但

九闈遠於萬里草野難達

楓宸今幸

聖駕南巡見

鑾輿之遙臨遂生平之仰望謹修短表匍匐接

駕伏乞

聖裁俯念先賢之功德照依仲由子孫周程張朱例一

體恤錄雖臣一家之私榮實天下萬世之同慶道

統丕顯

聖德增輝臣愚蒙寒賤不諳

朝儀冒瀆

天顏悚息待罪伏乞

恩宥施行爲此具本跪捧以

聞竝端木誌譜恭呈

御覽

山東巡撫王咨爲前事准禮部咨稱該禮部等衙

門會覆山東巡撫王題前事內開該臣等會議得

先經禮部議覆閔煌端木謙請給博士之處毋庸

議具題奉

旨九卿詹事科道會議具奏欽此該臣等議覆恭遇

皇上崇儒重道之時兩賢後裔似應授與官職以彰曠
典但其後裔歷世久遠是否嫡派亦未可定應行
文該撫會同衍聖公確查嫡派將應授之人保送
到日再議等因具題奉

旨依議欽此欽遵隨行文山東巡撫衍聖公去後隨據
該撫咨稱閔煌端木謙寄籍濟寧各止五世况直
隸江南河南皆有宗派東省不便遽爲保送前來
禮部復行文該撫會同衍聖公確查保送去後今
據該撫疏稱原叩

閔之端木謙實係端木子嫡裔其閔子嫡裔閔煌又稱
伊兄子閔衍籀係長房嫡子閔衍籀應膺廕典閔
煌出具甘結等語旣經該撫會同衍聖公確查將
端木謙閔衍籀保題前來相應將端木謙閔衍籀
准授爲五經博士世襲俟

命下之日禮部轉咨吏部照例給劄其端木謙閔衍籀
之宗譜併通族甘結印結仍行文該撫會同衍聖
公照例送部可也等因康熙三十九年五月二十
四日題本月二十六日奉

旨依議欽此欽遵到部相應行文山東巡撫可也等因
呈堂奉批行送司擬合就行爲此合咨前去遵照

旨內事理欽奉施行等因到部院案行到司蒙此隨行
兗州府轉行查取去後今據該府申據濟寧州申
稱遵卽轉行端木謙閔衍籀知照外復移濬縣取
到端木謙通族甘結濬縣印結并將取到閔衍籀
通族甘結加具卑州印結同二氏宗譜一併具文
申送等情到府據此擬合轉送等情到司據此該
本司布政使劉暲查得奉院案准禮部咨開端木
謙閔衍籀准授爲五經博士世襲仍取端木謙閔
衍籀宗譜竝通族印甘各結會同衍聖公照例送
部等因當卽檄行兗州府查取去後今據該府申

送端木謙閔衍籀二氏宗譜并通族印甘各結前
來相應呈祈本部院俯賜會同衍聖公照例咨送
禮部可也等情到部院據此擬合咨送爲此會同
衍聖公合咨貴部煩請查照施行

禮部咨同前事祠祭清吏司案呈禮科抄出該禮
部等衙門會覆山東巡撫王國昌題前事內開該
臣等會議得先經禮部議覆閔煌端木謙請給博
士之處毋庸議具題奉

旨九卿詹事科道會議具奏欽此該臣等議覆恭遇
皇上崇儒重道之時兩賢後裔似應授與官職以彰曠

典但其後裔歷世久遠是否嫡派亦未可定應行文該撫會同衍聖公確查嫡派應授之人保送到日再議等因具題奉

旨依議欽此欽遵隨行文山東巡撫衍聖公去後隨據該撫咨稱閔煌端木謙寄籍濟寧各止五世况直隸江南河南皆有宗派東省不便遽爲保送前來禮部復行文該撫會同衍聖公確查保送去後今據該撫疏稱原叩

閔之端木謙實係端木子嫡裔其閔子嫡裔閔煌又稱伊兄子閔衍籀係長房嫡子閔衍籀應膺廕典閔

煌出具甘結等語既經該撫會同衍聖公確查將端木謙閔衍籀保題前來相應將端木謙閔衍籀准授爲五經博士世襲俟

命下之日禮部轉咨吏部照例給劄其端木謙閔衍籀之宗譜併通族甘結印結仍行文該撫會同衍聖公照例送部可也等因康熙三十九年五月二十四日題本月二十六日奉

旨依議欽此欽遵到部相應移咨衍聖公遵照旨內事理欽奉施行

臣按四科之目著於漢儒十哲之稱見於北魏後

世躋顏子于四配而以有若補之其見於孟子之書者或云具體而微或云善言德行或云有聖人之一體或云似聖人或云智足以知聖人皆篤論也顧歷代以來雖膺封爵之榮享堂上之祭而未
有錄其後裔者唯仲子之後得襲世職于明末相傳至今而諸賢皆僅以諸生奉祠殊未稱
朝廷尊崇之意今我

皇上因親祀

孔子而廣及先賢子騫子貢乃得與子路一體邀恩澤及苗裔俎豆增光何其盛也且竊溯

幸魯迄今已十有六年而
皇上推恩

先聖之心久而彌勤若斯豈萬古所能幾及哉

康熙四十一年壬午二月

命以先儒邵雍後裔邵文學爲世襲五經博士

掌江南道監察御史杜之昂謹

題爲先賢闡明聖學懇祈

一視同仁以溥

皇恩以光史冊事欽惟我

皇上崇儒重道講學右文先聖先賢無不留心表揚曾

有

御書匾額學達性天四字

頒賜周惇頤程顥程頤張載朱熹邵雍六子煌煌

宸翰奎壁生光其榮一也是邵雍內聖外王之學與五

子同功已在

聖明洞鑒之中臣一介迂儒何能翼贊

高深然仰體

聖心崇祀先賢表揚聖學有加無已凡先賢子孫均沐

隆恩如周程張朱俱有博士以主其祀而邵雍獨無博

士以及其後臣因不辭冒昧敢為邵雍博士之請

惟

恩出

聖裁或可與五子

一視同仁

勅部確查邵雍正支嫡派以承祀典邵雍有靈感

恩無既垂之史冊光昭千古矣如果臣言不謬伏乞

勅部議覆施行康熙四十年五月二十八日奉

旨該部議奏

禮部

題為先賢闡明聖學懇祈

一視同仁以溥

皇恩以光史冊事禮科抄出掌江南道事河南道監察

御史杜之昂

題前事奉

旨該部議奏欽此該_臣等議得河南道監察御史杜之

昂疏稱欽惟我

皇上崇儒重道講學右文先聖先賢無不留心表揚曾

有

御書匾額學達性天四字

頒賜周惇頤程顥程頤張載朱熹邵雍六子煌煌

宸翰奎壁生光是雍內聖外王之學與五子同功已在
聖明洞鑒之中周程張朱子孫俱有世襲博士以主其
祀而邵雍獨無博士以及其後

恩出

聖裁或可與五子

一視同仁

勅部確查邵雍正支嫡派以承祀典等語查順治十二

年八月內據江南布政使呈送朱熹子孫朱煌承

襲博士_臣部題覆投爲五經博士康熙二十九年

二月內_臣部題覆福建巡撫張仲舉疏請朱熹子

孫朱濬授為世襲五經博士康熙九年五月內臣部題覆臺臣傅世舟條奏程顥程頤子孫程宗昌程延祀授為世襲五經博士康熙二十四年四月內九卿詹事科道會議都察院左僉都御史姚締虞條奏周敦頤子孫周嘉耀授為世襲五經博士康熙二十七年九月九卿詹事科道會議戶科掌印給事中汪晉徵條奏張載子孫張守先授為世襲五經博士俱各在案臣等恭惟我

皇上治隆今古

學貫天人上接堯舜之心傳遠承孔孟之道統凡屬後

裔悉叨

聖世隆恩今御史杜之昂條奏周惇頤程顥程頤張載

朱熹邵雍俱蒙

御賜匾額是邵雍內聖外王之學與五子同功已在

聖明洞鑒之中等語相應如其所請一體授與博士以

彰曠代之

殊恩萬年之盛典但其後裔歷世久遠無憑稽考俟

命下之日行文該撫確查嫡派將應授之人保送到日

再議可也六月十八日奉

旨依議

巡撫河南兵部右侍郎兼都察院右副都御史

徐潮

題為先儒闡明聖學等事該_臣看得宋儒邵雍闡明道學有功名教臺臣杜之昂條

奏比例周程張朱世襲承祀部覆行_臣將邵雍嫡派

應授之人宗圖宗譜印甘各結具題行據布政使

李成林詳稱查明邵雍嫡派二十八代孫邵養醇

於明崇禎六年授為博士明末寇亂養醇故後劄

付無存養醇之子邵國璋係邵雍二十九代孫但

年逾七旬難習禮儀今國璋之子邵文學係應授

之人取具圖譜各結前來請

旨施行奉

旨該部知道

禮部

題為先賢闡明聖學懇祈

一視同仁以溥

皇仁以光史冊事禮科抄出河撫徐潮

題前事奉

旨該部知道欽此該_臣等議得先經_臣部題覆御史杜

之昂為先賢邵雍之後請襲博士一疏令行該撫

確查嫡派將應授之人保送到日再議等因具
題奉

旨依議欽此隨行文河南巡撫去後今准該撫徐潮疏
稱查明崇禎六年邵雍嫡派二十八代孫邵養醇
曾授爲博士明末寇亂劄付無存邵養醇之子邵
國璋係邵雍二十九代長門嫡孫但年逾七旬難
習禮儀今邵國璋之子邵文學乃邵雍三十代長
門嫡孫係應授之人取具宗圖譜印甘各結保
題前來相應將邵文學准授爲世襲五經博士俟
命下之日臣部轉咨吏部照例給劄可也康熙四十一

年二月初五日奉

旨依議

附錄○邵雍字堯夫其先范陽人父古徙衡漳又
徙共城雍年三十遊河南葬其親於伊水上遂爲
河南人事北海李之才受河圖洛書伏羲八卦六
十四卦圖象探賸索隱妙悟神契衍先天之旨著
書十餘萬言事親盡孝歲時耕稼僅給飲食名其
居爲安樂窩司馬光兄事之嘉祐中詔求遺逸王
拱辰以雍應詔授將作主簿復補潁州團練推官
皆固辭卒年六十七贈秘書省著作郎元祐中賜

謚康節咸淳三年追封汝南伯從祀孔子廟廡

臣按邵雍居河南時程顥與之議論終日歎曰堯

夫內聖外王之學也程頤銘其墓曰雍之道純一

不雜就其所至可謂安且成矣朱熹贊之曰天挺

人豪英邁蓋世駕風鞭霆歷覽無際手揮月窟足

躡天根閒中今古醉裏乾坤其爲程朱推重如此

宜我

皇上學達性天之賜以六子竝稱詎非千古帝王卓識

與茲

可臺

臣請

允禮

臣議

特賜其後裔世襲五經博士與周程張朱之後一體襲

職此真

聖明浩蕩之恩曠古未有之典昔雍精河洛理數遇事

前知嘗與歐陽棐道其立身本末且曰足下其無

忘鄙人於異日雍卒留守韓維請謚於朝棐時爲

博士作謚議恍惚當時之言落筆如其自序則雍

必有以逆知數百年後有

大聖人出德位兼隆榮其後裔吾

皇上道契先天德符至理豈偶然哉從此海內蒸蒸咸

思昌明聖學興起百世之下吾
皇上壽世作人之化洵非百王所能幾及矣

幸魯盛典卷十九終

幸魯盛典卷二十

庚熙二十四年乙丑四月衍聖公孔毓圻疏請纂
修

幸魯盛典并請

御製古檜賦勒石檜樹間

詔從之

衍聖公臣孔毓圻

奏為請

旨纂修

幸魯盛典以昭垂道統敷示臣民事臣聞帝王膺圖御

三會盛典 卷二十一
宇以體元出治則爲君極聖賢致知力行以繼往
開來則爲道統自古迄今君極與道統合而爲一
者必至聖而後克全伏遇

皇上

哲謀天亶

敦敏夙成

知則生知聰明首出庶物

行則安行律度協於中和猶復

修來時敏念典愈勤

鑒百王之治法

闡千聖之微言堯舜禹湯文武周孔之道至我

皇上而統會焉上有至聖之君則下有王者之民臣竊

見

巡蹕所至區宇縱觀羣黎覲迎歡呼俟應千里攀援卽

古帝遊幸康衢僅一擊壤之儔耳而今則處處皆

康衢人人爲擊壤

皇上之德盛化神實高於古聖遠矣至如

臨幸闕里典制超越蓋惟

皇上躬任道統親接羹牆以是創制禘皇敦崇

先聖而臣見四方人士來登闕里者瞻仰

宸章

御蓋焜耀廟庭無不致敬忭舞導揚又必問臣以釋奠

之儀文進講之大義與夫拜颺之次第

賚予之優渥務必細詢臣應對且日不暇給臣因思

聖主隆規自炳於

起居之注而尼山道統不可無紀盛之書臣愚特籲

聖恩容臣哀輯

典章臚陳儀制

皇上顧問之天語羣僚奏對之昌言臣族受

恩之始末扈從入廟之班聯一一恭紀纂成

幸魯盛典一書以昭示臣民使共獲快觀在臣家則傳

之子孫與論語家語諸書同垂天壤矣如蒙

鑒允臣即於廟庭設局纂修仍請

勅下該衙門將一應

臨幸闕里事宜

聖製

聖諭告文祝文禮樂儀制講章以及扈從入廟陪祀執

事諸臣名爵各行頒發到臣以便彙齊纂入俟刊

刻成書另疏恭呈

御覽則寰宇獲覩顯懿之盛而尼山永垂鉅典之書矣

抑臣更有請者臣茲趨賀

萬壽甫入都門聞有

御製古檜賦臣不勝懽躍即購求抄本薰沐恭誦仰見

我

皇上

聖學淵宏

龍章浩瀚妙體裁之獨至闡義蘊於靡遺臣伏念自手

植檜樹以來二千餘歲幸邀

天顏之顧盼復荷

睿藻之褒揚臣不揣冒昧敢請

聖製勒石檜樹間垂之永久以為萬代觀瞻伏乞

皇上鴻慈俯允奉

旨該部議奏

禮部

題前事該臣等議得衍聖公孔毓圻疏稱

皇上臨幸闕里典制超越特籲

聖恩容臣哀輯典章臚陳儀制

皇上顧問之天語羣僚奏對之昌言臣族受

恩之始末扈從入廟之瑣聯一一恭紀

幸魯盛典一書即於廟庭設局纂修仍

勅下該衙門將一應

臨幸闕里事宜

聖製

聖諭告文祝文禮樂儀制講章以及扈從入廟陪祀執

事諸臣名爵各行頒發以便彙輯等語臣等仰惟

我

皇上崇尚師儒修明理學

車駕躬臨闕里特崇報典屢沛

恩光而且

宸翰輝煌

天章藻麗規模遠邁於前王彝訓永垂於萬世應如衍

聖公孔毓圻所請纂修

幸魯盛典一書永垂萬世相應將

皇上東巡

聖製

聖諭告文祝文竝顧問

天語臣僚奏對

臨幸闕里事宜禮樂儀制講章啓奏等事以及扈從王

等內大臣侍衛各部院大臣官員入廟陪祀執事

諸臣名爵臣部行文各部院詳查明白開列俱移

送_臣部其纂修

幸魯盛典一書永垂萬世應將各部院移送禮制事宜彙送翰林院其應行纂修典禮各項詳定明白移送_臣部轉送衍聖公孔毓圻纂修進呈

御覽又疏稱

御製古檜賦請勒碑檜樹間垂之永久以爲萬代觀瞻等語相應亦如所請

勅下翰林院將古檜賦抄錄移送_臣部亦轉發行聖公

孔毓圻令其勒碑檜樹間可也奉

旨依議

十二月衍聖公孔毓圻疏舉進士金居敬等纂修

幸魯盛典

上可其奏

勅部咨取金居敬俞兆曾叢克敬孫致彌葉湜沙汝洛章緯曹晃赴闕呈

聖廟纂修

衍聖公_臣孔毓圻

奏爲纂修仰奉

俞綸編輯理難草率恭請

頒發禮制事宜咨取應用人員以光盛典事切該_臣

恭遇我

皇上崇儒重道加恩

先師前軼百王後光萬禩先經臣請

旨纂修

幸魯盛典以昭垂道統敷示臣民事具奏奉

旨該部議奏隨經禮部議覆內稱相應將

皇上東巡

聖製

聖諭牛文祝文併顧問

天語臣僚奏對

臨幸闕里事宜禮樂儀制講章啓奏等事以及扈從王

等內大臣侍衛各部院大臣等員入廟陪祀執事

諸臣名爵行文各部院詳查開明移送臣部彙送

翰林院其應行典禮各項詳定明白移送臣部轉

送衍聖公孔毓圻纂修進呈

御覽奉

旨依議欽遵在案伏念

皇上文治之隆亘古未有年來海外之國皆求遣子入

監讀書今臣所請纂修

幸魯盛典之書告成之日外則宣示遐方內則昭垂後

世皆仰

皇上之崇正道尊

先師奕禩永奉典則之貽四海競切觀光之慕所係誠非淺鮮也所有禮制事宜等各項前經部議俟翰林院詳定明白移部轉發到臣計詞臣必已搜輯考核詳備無遺請

勅部院迅速頒發以便遵

旨開館纂修但

臣

自惟學問固陋尠見寡聞若使獨任

操觚未免掛一漏萬况所哀集者我

皇上之文章乃古今莫大之文章所恭紀者我

皇上之事功乃古今莫大之事功若草率從事

臣

則何

敢今纂修盛典一書必須才學鴻贍之人共勦厥

事方能揚摧愉快而諸臣之現任供職者

臣未敢

借才

臣

擬身總其綱及

臣

胞弟翰林院五經博士

臣孔毓埏爲副外

臣

訪得江南蘇州府長洲縣乙

丑科進士金居敬浙江嘉興府嘉善縣儒學增廣

生員曹晃嘉興府海鹽縣乙丑科進士俞兆曾江

南蘇州府嘉定縣戊午科舉人孫致彌蘇州府崑

山縣辛酉科順天鄉試副榜貢生葉湜江寧府江

寧縣丁巳科舉人叢克敬山東登州府萊陽縣候

選京職沙汝洛浙江杭州府富陽縣候選知縣章
緯此數人者皆人品純粹學問優長堪任纂修之
役恭請

俞旨

勅部咨取到臣至於校閱收掌謄錄各有攸司書成之
日一竝列名進呈

御覽其間儻有未備典禮亦容臣次第咨部查取務求
明備以光盛典奉

旨該部知道

禮部

題前事該臣等會議得衍聖公孔毓圻疏稱纂修

幸魯盛典一書臣自惟學問固陋尠見寡聞若使獨任

操觚未免掛一漏萬必須才學鴻瞻之人共勦厥
事方能揚摧愉快而見任供職者未敢借才臣擬

身總其綱翰林院五經博士孔毓埏爲副外今訪

得江南進士金居敬浙江生員曹晃浙江進士俞

兆曾江南舉人孫致彌江南貢生葉湜江南舉人

叢克敬山東候選京職沙汝洛浙江杭州府富陽

縣候選知縣章緯此數人者皆人品純粹學問優

長堪任纂修之役恭請

俞旨勅部咨取到臣等語應照衍聖公孔毓圻所題將
進士金居敬等移咨該督撫速催前赴衍聖公處
纂修可也奉

旨依議

康熙二十五年丙寅七月

上命頒降

御製文及

幸魯典禮於

聖廟纂修館八月初一日衍聖公孔毓圻同翰林院
五經博士孔毓埏纂修進士金居敬俞兆曾舉人

叢克敬孫致彌副榜貢生葉湜候選小京職沙汝
汝候選知縣章緯增廣生員曹晃等於金絲堂開
館纂修

幸魯盛典

禮部咨爲移送事儀制清吏司案呈奉本部送准
翰林院咨稱先經本衙門進呈過

幸魯典禮二本於康熙二十五年七月初四日侍讀學
士高士奇口傳此書

御覽已完發與衍聖公孔毓圻併

御製文章七篇一併發出應移送貴部轉發

幸魯典禮二本

御製文章七篇移送衍聖公可也

衍聖公臣孔毓圻

題爲

御製天章旣煥臣僚撰述宜哀謹報明開讀開館日期

再請

俞旨事

臣

於康熙二十五年八月初一日接准禮部咨

稱准翰林院咨稱先經本衙門進呈過

幸魯典禮於康熙二十五年七月初四日侍讀學士高士奇口傳此書

御覽已完發與衍聖公孔毓圻併

御製文章七篇一併發出應移送轉發等因咨行到臣

臣卽於本日在

臣

衙門恭設香案率領纂修各員

併臣屬官員族人等望

闕叩頭行禮當卽開讀

聖製

臣

謹親捧安奉

宸翰閣內隨率纂修各員敬於

祖廟金絲堂開館訖

臣

伏讀

聖製文明煥彩

睿藻揚華言言闡道紹述千聖之精微字字傳心糠粃

百家之論說臣稽往古歷代帝王凡孔廟碑記祝詞俱出廷臣撰述未聞寶翰親揮若唐宗幸宅之詩宋帝東臨之贊章宗一詠明祖一詩雖洋洋聖謨千秋永寶而寥寥篇什體製未弘從未有親灑宸翰高文大篇如我

皇上之文同日月之麗天竝行不息若源泉之湧地萬派爭流渾涵義類陶鑄古今廟記溯章述之功能序贊備始終之條理乃至泉林檜樹亦攄昭曠之觀孟廟姬祠竝著發皇之大復乎莫尚至矣難名愧臣知識淺陋猶夫窺天測海豈能識其萬一惟

日與纂修諸臣恭誦體會形之抃舞抑臣更有請考自古都俞吁咈之朝必載賡歌颺拜之盛臣伏見

聖駕巡幸扈從諸臣既有應

制之作班聯之上亦多恭頌之詞記頌詩賦體製不同皆以賡揚盛美黼黻休明臣等愚昧亦思有所撰述以紀希邁之典臣擬彙輯編爲藝文一卷附之集後上採卷阿魚藻以誌喜起之休風旁及夏諺衢謠益見

右文之盛治伏乞

勅下該衙門凡臣僚一應篇什許其於歲內各自繕寫
郵寄到臣容臣編輯成書一體進呈

御覽伏候

皇上睿鑒奉

旨該部知道

禮部

題前事該

臣

等議得衍聖公孔毓圻疏稱伏見

聖駕巡幸扈從諸臣既有應

制之作班聯之上亦多恭頌之詞皆以賡揚盛美黼黻

休明卽

臣

等愚昧亦思有所撰述以記希邁之典

臣擬彙輯編爲藝文一卷附之集後等因前來臣

等伏觀我

皇上濬哲生知文明應運

臨幸闕里釋奠

先師典禮裔皇聲名洋溢揮灑

宸翰麗煥星雲昭揭

天章高懸霄漢開講則園橋觀聽加恩而泮壁增輝成

一代之弘規垂千秋之僅事述稽往籍爰溯曩徽

唐虞之君臣賡唱成周之雅頌矢音以及炎漢柏

梁初唐應制成存撰製竝有和歌於以黼黻休明

發揚嘉美況乎恭逢

聖世欣覩

熙朝崇儒重道鑠古振今凡屬臣僚無不樂爲宣贊相應如衍聖公所請凡扈從部院諸臣及在廷臣僚其有著爲文辭鋪揚鴻鉅者無論詩賦頌記俱限於一月內繕寫交與翰林院由翰林院裁訂送臣部轉發其衍聖公孔毓圻等有作亦聽采錄務擇其淵粹有裨風雅者爲藝文一類附之卷內非特爲孔庭家乘之榮實以徵

聖代文治之盛如此則我

皇上尊崇至聖之意奕禩光昭而臣子頌揚踴躍之情

亦得以稍抒萬一矣奉

旨依議

康熙二十七年戊辰四月

幸魯盛典草稿告成計書一十八卷衍聖公孔毓圻具

疏進呈

御覽恭請

御製序文

上命禮部翰林院會議議上

制曰可仍以原書發館遵

旨許加增改

衍聖公臣孔毓圻

奏為恭呈

幸魯盛典仰祈

睿鑒

欽定以隆重典事竊惟創非常之典制必在極盛之昌

時集道統之大成端賴綏猷之元后臣考闕里行

幸漢高而後一十四君雖載史書從無專錄典未

鉅也伏惟我

皇上

體膺上聖

道協時中深考於承天治人之故惟斯道之能弘博

綜於前言往行之中以古聖為可法

念典時敏既親載籍以觀摩

文教誕敷復示尊崇為則倣乃於甲子之冬時邁

東巡之駕江淮旋

蹕洙泗停輿誌祀爰修隆儀肇舉陟降在庭儼若羹牆

之接徘徊廟寢恭聞

金玉之音禮樂煥越於百王

恩典普沾於陪祀

宸章寶翰

芝蓋貞珉疊

賜屢頒有加靡已集廟庭之典謨未有富於
天章之巍煥也溯幸宅之典禮未有加於
今日之弘鉅也復蒙

皇上俯俞臣請纂修

幸魯盛典一書臣隨舉金居敬等

題薦纂修至於校閱收掌謄錄之司臣前疏內

題明於書成之日一體列名隨將校閱張拱樞等咨
報吏部註冊在案自康熙二十五年八月初一日

題報開館臣統率各員敬謹慎重纂成書稿一十八

卷恭呈

睿覽伏念臣等學識淺陋其間裒輯恐有未當微臣凜
凜於心特籲

聖恩宥其愚昧

俯賜裁定竝請

御製序文仍行頒發到臣容臣遵奉鏤板進呈

御覽卽頒行天下庶普天率土咸仰

尊師重道之崇閎桑戶蓬樞共瞻

聖製宸篇之浩博其纂修等員幸際

聖朝得逢曠典應否邀

恩議敘出自

皇上洪恩非臣所敢仰冀也奉

旨這本內事情著禮部翰林院會同確議具奏幸魯盛典併發

禮部

題前事該臣等會議得衍聖公孔毓圻疏稱纂修

幸魯盛典一書自康熙二十五年八月初一日開館纂

成一十八卷恭呈

睿覽

俯賜裁定竝請

御製序文仍行頒發到臣等臣遵奉鏤版進呈

御覽卽頒行天下其纂修等員幸際

聖朝得逢曠典應否邀

恩議敘出自

皇上洪恩等語臣等仰見我

皇上崇儒重道邁古軼今

典禮遠駕乎百王

制作永垂於萬世

宸章睿藻煥若日星

芝蓋貞珉昭於雲漢茲

鉅典已成

鴻篇告竣相應

俯允所請

寵錫序文鏤刻頒布斯一代之弘章允著而千秋之正學增輝矣至書內批簽共三十二條應令遵照改正詩文所載尚少亦令增入其纂修八員應賞給表裏各一疋於該部移取可也康熙二十七年十月二十六日題本月二十八日奉

旨依議

康熙四十年辛巳三月衍聖公孔毓圻恭呈修成
幸魯盛典稿本四十卷

孔子六十七代孫太子少師襲封衍聖公_臣孔毓圻

題爲恭進

幸魯盛典稿本仰祈

欽定頒發以隆重典事竊_臣恭遇我

皇上欽崇

聖祖

臨幸闕里

幸魯盛典

卷二十一

六

親祭

廟林

典禮至隆

恩澤至厚皆亘古之所未聞洵足度越百王輝映億

禩先經臣於康熙二十四年四月間具疏請纂修

幸魯盛典一書昭示天下萬世蒙

恩俞允臣隨舉進士金居敬俞兆曾舉人叢克敬孫致

彌副榜貢生葉湜候補小京職沙汝洛候選知縣

章緯增廣生員曹晃等同任纂修之役亦蒙

恩准咨取到臣於二十五年八月擇

聖廟之金絲堂開館纂修至康熙三十七年告成計

正文一十四卷頌揚詩文四卷共計一十八卷進

呈

御覽恭荷

皇上寵錫序文并發原書內奉

欽定批簽三十二條令臣遵照改正詩文所載尚少亦

令增入臣謹叩頭謝

恩同臣弟五經博士臣毓埏及纂修諸臣等敬謹詳慎

遵奉

御批一一改正并遴選詩文增入外復蒙

皇上特發帑金修建

祖廟壯麗堅固遠邁前規工成之日又蒙

特恩命

皇子行祭告禮又蒙

御製碑文

御筆親書

命官率

內府供奉名手鈎勒摹搨進

呈又蒙以

御書墨蹟

賜臣珍藏

天恩優渥有加無已皆

廟庭從來未有之

異數而人臣不敢冀望之

殊恩也抃舞之餘屏營彌切謹同纂修諸臣備載入書

修完正文二十卷詩文二十卷共計四十卷裝潢

成帙臣謹親捧恭

進外伏念

聖德崇隆

皇恩浩蕩臣等經生之筆豈能測量

天地之廣大摹寫

日月之光華訛類必多疎蕪不免伏冀

聖恩垂矜庸陋曲賜涵容其中有應改應刪之處臣現

帶纂修官原任翰林院庶吉士臣孫致彌在京候

旨卽令致彌欽遵刪改賁回曲阜臣當虔奉刊刻刷印

進

呈頒行天下俾六合之內萬世而遙共仰我

皇上尊師重道卓冠古今而文教益振正學彌隆矣至

於纂修諸臣朝夕編摩無間寒暑皆因感荷

天恩力圖報効不敢偷安臣得藉以成書報

命皆

皇上聖恩所賜也臣原舉纂修官八人今僅存孫致彌

叢克敬二人在館一十六年辦事最久近叢克敬

又以抱病回籍其孫致彌曾蒙

召對久在

皇上睿照之中臣與共事多年見其學問淹通為人勤

慎臣仰體

皇上愛惜人材至意敢為據實奏

聞儻蒙

皇上格外敘錄則又出自

高天厚地之特恩非臣之所敢希望也伏祈
聖鑒勅部議覆施行康熙四十年四月初二日題本月

初五日奉

旨該部知道

臣謹按

聖門紀載之書見於歷代經籍之志者有孔志闕里
祖庭記東家雜記孔子世家譜孔氏編年孔氏實
錄孔聖圖譜孔氏全書聖門通考聖門人物志闕
里志孔子弟子傳贊孔庭纂要孔聖全書孔庭僉
載諸書篇目殊夥纂輯相沿然非子孫之追述先

型卽儒生之推尊至聖握鉛懷槧多在芸窓篋紙
瀉毫率由部屋且也盈箱累篋惟傳闕里之遺文
紀事纂言莫載朝家之大典猶且垂諸藝苑播在
儒林未有

天章

宸翰親揮灑於寶跗

帝典

王謨頒記注於玉署采兼葑菲奉

德音以求才堂啓金絲沐

天恩而開局

聖朝之謨烈乃增光於魯壁之旁下士之編摩得仰塵
於

厦旃之側如臣等今日之受

恩過望沐

寵逾涯者也欽惟我

皇上德邁羲軒

功高姚姒

心符聖道隆

恩禮於

先師

手握化機啓文明於寰宇

特紀

熙朝之盛事聿垂萬世之芳模臣等猥以菲材濫廁載

筆非不思鋪陳

盛烈揚扈

鴻猷而一蠡不足測溟滓之深尺管不足量圓穹之大

凡歷十六年之久始成四十卷之書幸得載

聖德之裔皇庶可掩蕪詞之弁鄙所冀仰邀

睿鑒裁自

淵衷一經筆削於

九重彌增光焰於萬丈則文河學海皆沐

恩波經笥書囊咸沾

聖澤縹緗輝映時見星雲日月之光華琰琬流傳永匹

虞夏商周之制作矣

禮部

題前事該臣等議得衍聖公孔毓圻奏稱恭遇

皇上臨幸闕里

親祭廟林典禮至隆

恩澤至厚先經臣于康熙二十四年疏請纂修

幸魯盛典一書康熙三十七年告成呈覽恭荷

皇上寵錫序文併

欽定批簽三十二條今臣遵照改正詩文所載尚少亦

令增入臣謹同纂修諸臣遵奉

御批改正併遴選詩文增入外後蒙

皇上念

祖廟隳敝發帑金修建又命

皇子祭告又蒙

御製碑文

御筆親書謹備載入書修完四十卷謹親捧恭

進外其中有應改應刪之處臣現帶纂修官原任翰

林院庶吉士臣孫致彌在京候

旨欽遵

御批刪改虔奉刊刷進呈頒行天下等語臣等恭惟我
皇上治紹唐虞道隆洙泗
躬詣闕里

親祭廟林重道崇儒從古未有應如衍聖公所請將
幸魯盛典一書恭候

皇上刪改刊刻進呈頒行天下垂之萬世又稱臣原舉
纂修官八人今僅存孫致彌叢克敬二人左館一
十六年辦事最久近叢克敬又以抱病回籍其孫

致彌臣與共事多年見其學問淹通爲人勤慎倘
蒙格外敘錄則又出自

高天厚地之特恩等語查議敘官員事隸吏部其孫致
彌議敘之處俟

命下之日交與吏部可也本月二十二日題二十四日
奉

旨依議

吏部

題前事該臣等議得禮部咨稱衍聖公孔毓圻疏稱
臣原舉纂修

幸魯盛典原任翰林院庶吉士孫致彌在館一十六年
辦事最久學問淹通爲人勤慎倘蒙格外敘錄則
又出自

高天厚地之特恩相應將孫致彌議敘之處俟吏部議
等因具題奉

旨依議欽此欽遵移咨前來恭惟

皇上道崇先聖

功邁百王

省方觀民

過魯講學旣

親祠祭

重煥宮牆

御筆天章

光昭星日

深恩厚澤

慶衍裔孫風教宏施寰海普被今衍聖公孔毓圻因
皇上幸魯盛典告成疏稱纂修官孫致彌在館一十六

年辦事最久學問淹通爲人勤慎題請格外敘錄

相應將原任翰林院庶吉士孫致彌准其原官用

可也臣等未敢擅便謹題請

旨五月二十三日題二十五日奉
旨依議

辛魯盛典卷二十一終

